

射洪縣志卷十一

人物志一

人秉天地之正氣以生其大者關乎天下治亂世運盛衰進則安上治民展布宏略而舉世蒙其澤退則敦品立行講求正學而繼起有所宗雖取舍各殊品量不一要皆於斯世大有裨益也射邑帶金華涪水之勝山奇水秀代產偉人如陳拾遺楊忠節之文章氣節李補履謝陽昇之著述三蹇之忠義趙拔扈何保之之孝友陳宏嗣羅可波之高蹈皆卓卓可傳者也自是而外或以德顯或以文

射洪縣志

卷一

人物 人物

一

名或以功昭或以節著載在史傳可考而知其餘一行之美一技之長流寓仙釋烈女義夫均得備書示不遺也夫志也者所以顯微闡幽表彰前烈惟取事實可徵者分類編載其揄揚大略稱頌過實之語概置不錄庶幾此邦人士景仰前哲砥節立名後先輝映固不徒彪炳於一時也志人物

人物

梁陳太平陳太樂陳太濛新唐書陳子昂傳梓州射洪人其先居新城六世祖太樂當齊時兄弟競豪傑梁武帝命爲郡司馬陳子昂陳居士墓銘嗣八



代祖祉白汝南仕蜀爲尚書令蜀滅子孫避晉不仕居涪南武東山與唐胡白趙五姓置立新城郡部制二縣世爲郡長蕭齊之末有太平者兄弟三人爲郡豪傑梁武帝受禪網羅英豪拜太平爲新城郡守弟太樂太濛太濛爲黎州長史督護南梁二郡太守太樂爲本郡司馬

按社卽蜀志陳祇

唐陳子昂新唐書本傳字伯玉梓州射洪人十八未知書以富家子尙氣決弋博自如它日入鄉校感悔卽痛修飭文明初舉進士時高宗崩將遷梓宮長安於是關中無歲子昂盛言東都勝塏可營山

射洪縣志

卷十一

人物 人物

二

陵上書武后奪其才召見金華殿子昂貌染野少威儀而占對慷慨擢麟臺正字垂拱初詔問羣臣調元氣當以何道子昂因是勸后興明堂太學后召見賜筆札中書省令條上利害子昂對三事其一言九道出使使巡按天下申黜陟求人瘼臣謂計有未盡也陛下發使莫如擇仁可以恤孤明可以振滯剛不避彊禦智足以照姦者然後以爲使今使旦未出道路之人皆已指笑徒令百姓治道路送往迎來不見其益也願更選有威重風概爲衆推者陛下知難得人則不如少出使彼煩數而

無益於化是烹小鮮而數撓之矣其二言刺史縣令政教之首陛下布德澤下詔書必待刺史縣令謹宣而奉行之不得其人則委棄有司掛牆屋耳一州得才刺史十萬戶賴其福得不才刺史十萬戶受其困今吏部調縣令如補一尉但計資考不求賢良有如不次用人則天下囂然相謗矣狃於常而不變也其三言天下有危機禍福因之而生機靜則有福動則有禍今軍旅之弊五六年矣自劍南盡河隴山東由青徐曹汴河北舉滄瀛趙鄭或困水旱或頓兵疫死亡流離畧盡尙賴陛下憫

射洪縣志

卷十一

人物

人物

三

其失職凡兵戍詞發一切罷之宜修文德去刑罰勸農桑以息疲民蠻夷知中國有聖王必累譯至矣于時吐蕃九姓叛詔田揚名發金山道十姓兵討之十姓長君以三萬騎戰有功遂請入朝后責其嘗不奉命擅破回紇子昂上疏諫不聽其後吐蕃果入寇終后世爲邊患最甚后方謀開蜀山由雅州道翦生羌因以襲吐蕃子昂上書以七驗諫止之后復召見使論爲政之要適時不便者毋援上古角空言子昂乃奏八科一措刑二官人三知賢四去疑五招諫六勸賞七息兵八安宗子俄遷

右衛胄曹參軍后既改號周子昂上周受命頌數
召見問政事論亦詳切以母喪去官服終擢右拾
遺子昂多病居職不樂會武攸宜討契丹置幕府
表子昂參謀次漁陽前軍敗舉軍震恐攸宜輕易
無將畧子昂諫攸宜以其儒者謝不納聖歷初以
父老表解官歸侍詔以官供養會父喪廬塚次每
哀慟聞者爲涕後爲縣令段簡因事收繫憂憤卒
唐興文章承徐庾餘風天下祖尙子昂始變雅正
初爲感遇詩三十八章王適曰是必爲海內文宗
乃請交子昂所論著當世以爲法大歷中東川節

射洪縣志

卷十一

人物

人物

四

度使李叔明爲立旌德碑於梓州學堂至今猶存

附奏議論東都可營山陵書臣聞秦據咸陽漢都
長安山河爲固而天下服者以北假胡宛之利南
資巴蜀之饒轉關東之粟而取山西之寶長羈利
策橫制宇宙今則不然燕代道匈奴巴隴嬰吐蕃
西老千里羸糧北丁十五乘塞歲月奔命秦之首
尾不完所餘獨三輔間耳顧遭荒饑百姓薦饑自
河而右惟有赤地循隴以北不逢青草父兄轉徙
妻子流離賴天悔禍去年薄稔羸耗之餘幾不沉
命然流亡未還白骨縱橫阡陌無主至於蓄積尤
可哀傷陛下以先帝遺意方大駕長驅按節西京
千乘萬騎何從仰給山陵穿腹必資徒役率瘞倣
之衆興數萬之軍調發近畿督扶疲老鑿山輦石
驅以就功春作無時何望有秋彫甍遺燠再罹艱
苦有不堪其困則逸爲盜賊揭挺叫嘯可不深圖
哉且天子以四海爲家舜葬蒼梧禹葬會稽豈愛
夷裔而鄙中國耶示無外也周平王漢光武都洛
而山林寢廟並在西土者實以時有不可故遺小
存大去禍取福也今景山崇秀北對嵩邛右眄汝

射洪縣志

卷十一

人物

五

海祝融太昊之故墟在焉園陵之美復何以加且
 太原濬鉅萬之倉洛口儲天下之粟乃欲舍而不
 顧倘鼠竊狗盜西入陝郊東犯虎牢取菽倉一杯
 粟陛下何以過之論調元氣疏臣聞之於師曰元
 氣者天地之始萬物之祖王政之大端也天地莫
 大於陰陽萬物莫靈於人王政莫先於安人故人
 安則陰陽和陰陽和則天地平天地平則元氣正
 先王以人之通於天地也於是養成羣生以順天
 德使人樂其業甘其食美其服然後天瑞降地符
 升雨暘時若草木茂遂故顓頊唐虞不敢荒寧其
 書曰百姓昭明協和萬邦黎民於變時雍乃命羲
 和欽若昊天歷象日月星辰敬授人時和之得也
 夏商之衰桀紂昏暴陰陽乖行天地震怒山川鬼
 神發奸見災疾疫大興終以滅亡和之失也迨周
 文武創業誠信忠厚加於百姓故成康刑措四十
 餘年天人方和而幽厲亂常苛慝暴虐詭黷天地
 山川沸崩人用咨怨其詩曰昊天不惠降此大戾
 不先不後為虐為瘵顧不哀哉近代隋煬帝恃四
 海之富鑿渠決河自伊洛屬之揚州疲生人之力
 洩元氣之藏中國之難起故身死人手宗廟為墟

逆元氣之理也臣觀禍亂之動天人之際先師之
 說昭然著明不可欺也陛下含天地之德日月之
 明渺然遠思欲求太和此伏羲氏所以為三皇首
 也昔者天皇帝使萬世鴻業闕而不昭殆畱此盛
 享上帝使哉臣謂和元氣睦人倫舍此則無以為也
 揮陛下哉臣謂和元氣睦人倫舍此則無以為也
 昔黃帝合官有虞總章堯衢室夏世室皆所以調
 元氣治陰陽也請興明堂太學疏臣聞明堂有天
 地之制陰陽之統二十四氣八風十二月四時五
 行二十八宿莫不率備王者政失則災政順則祥
 臣願陛下為唐恢萬世之業相國南郊建明堂與
 天下更始按周禮月令而成之乃月孟春乘鸞輅
 駕蒼龍朝三公九卿於青陽左个負斧展玉几
 聽天下之政躬籍田親蠶以勸農桑養三老五更
 以教孝弟明訟獄以息淫刑修文德以止干戈察
 孝廉以除貪吏後宮非妃嬪御女者出之珠玉錦
 繡雕琢技巧無益者棄之巫鬼淫祀熒惑人心者
 禁之臣謂不數暮月見太平云○陛下方興大化
 而太學久廢堂室埃蕪詩書不聞明詔尚未及之
 愚臣所以私憾也太學者政教之地也君臣上下

射洪縣志

卷十一

人物

人物

六

臣之所取則也。俎豆揖讓之所興也。天子於此得賢
 臣焉。今委而不論。雖欲睦人倫。與治綱。失之本而
 求之末。不可得也。君子三年不為禮。禮必壞。三年
 不為樂。樂必崩。奈何為天下而輕禮樂哉。願引胃
 子使歸太學。國家之大務。不可廢也。中書省條上
 利害三事。全文九道。出大使。巡按天下。申黜陟。求
 人瘼。臣謂計有未盡也。且陛下發使。必欲使百姓
 知天子夙夜憂勤之意也。羣臣知考績而任之也。
 姦暴不逞。知將除之也。則莫如擇仁。可以恤孤。明
 可以振滯。剛不避疆禦。知足以照奸者。然後以為
 使。故輜軒未動。而天下翹然恃之矣。今使且未出
 道路。之人皆已指笑。欲望進賢。下不肖。豈可得耶。
 宰相奉詔。書有遣使之名。無任使之實。使愈出。天
 下愈敝。徒令百姓治道路。送往迎來。不見其益也。
 臣願陛下更選有威重風概。為眾推者。因御殿前
 以使者之禮。禮之諄諄。戒勅所出。使之意。乃授
 以節。自京師及州縣。登拔才良。求人瘼。宣布上意。
 令若家見。而戶曉。昔堯舜不下席。而化天下。蓋黜
 陟幽明。能折衷者。陛下知難得人。則不如少出使。
 彼煩數而無益於化。是烹小鮮。而數撓之矣。○刺

史縣令政教之首。陛下布德澤。下詔書。必待刺史
 縣令。謹宣而奉行之。不得其人。則委棄有司。挂牆
 屋耳。百姓安得知之。一州得才。刺史十萬戶。賴其
 福。得不才。刺史十萬戶。受其困。國家興衰。在此職
 也。今吏部調縣令。如補一尉。但計資考。不求賢。良
 有不如不次用人。則天下囂然相謗矣。狃於常而不
 變也。故庸人皆任。縣令教化之陵遲。顧不甚哉。○
 天下有危機。禍福因之。而生機。靜則有福。動則有
 禍。百姓安則樂生。不安則輕生。是也。今軍旅之弊。
 夫妻不得安。父子不相養。五六年矣。自劍南盡河
 隴。山東由青徐。汴河北。舉滄瀛。趙鄭。或困水旱
 或頓兵疫。死亡流離。畧盡。尚賴陛下憫其失職。凡
 兵戍調發。一切罷之。使人得妻子。相見。父兄相保
 可謂能靜其機也。然臣恐將相有貪。夷狄利以廣
 地。強武說陛下者。欲動其機。機動則禍構。宜修文
 德。去刑罰。勸農桑。以息疲民。蠻夷知中國有聖王
 必累譯至矣。諫絕十姓。君長書。微弱。國家能制十姓者
 由九姓。強大臣。服中國。故勢微弱。委命下吏。今九
 姓叛亡。北番。喪亂。君長無主。回紇。殘破。磧北。諸姓
 已非國有。皆欲犄角。亡叛。惟金山。諸番。共為形勢。

射洪縣志

卷十一

人物

七

有司乃以揚名擅破回紇歸十姓之罪拒而遣還
 不使入朝恐非羈戎之長策也夫戎有鳥獸心親
 之則順疑之則亂今阻其善意則十姓內無國家
 親信之恩外有回紇報讐之患懷不自安烏駭狼
 顧則河西諸番自此拒命矣且夷狄相攻中國之
 福今回紇已破既無可言十姓非罪又不當絕罪
 止揚名足以慰其會領矣近詔同城權置安北府
 其地當磧南口制匈奴之衝常為劇鎮臣頃聞磧
 北突厥之歸者已千餘帳來者未止甘州降戶四
 千帳亦置同城今磧北喪亂荒饑之餘無所存仰
 陛下開府招納誠覆全戎狄之仁也然同城大興
 儲庖而憑附蕃落不免饑寒更相劫掠今安北有
 官牛羊六千粟麥萬斛城孤兵少降者日衆不加
 救恤盜劫日多夫人情以求生為急今有粟麥牛
 羊為之餌而不救其死安得不為盜乎盜興則安
 北不全甘涼以往蹻以待陷後為邊患禍未可量
 是則誘使誨亂之道也且夷狄代有雄桀與中國
 抗有如勃起招合遺散衆將特與此國家大機不
 可失也○河西諸州軍興以來公私儲蓄尤可嗟
 痛涼州歲食六萬斛屯田所收不能償墾陛下欲

制西河定戎亂此州空處未可動也甘州所積四
 十萬斛觀其山川誠河西咽喉地也當九姓南偏
 吐蕃奸回不測伺我邊罅故甘州地廣粟多左右
 受敵且戶止三千勝兵各少屯田廣夷倉庾豐衍
 瓜肅以西皆仰其饘一旬不往士已枵餓是河西
 之命係於甘州矣且其四十餘屯肥瘠旱潦不待
 天時歲取二十萬斛但人力寡乏未盡墾發異時
 吐蕃不敢侵者由甘涼士馬彊盛以抗其入今甘
 州積粟萬計兵少不足以制賊若吐蕃敢大入燔
 蓄積蹂諸屯則河西諸州我何以守宜益屯兵外
 得以防盜內得以營農取數年之收可保四百萬
 則天兵所臨何求不得哉諫開蜀山討生羌因襲
 吐蕃書竊聞國家欲開蜀山自雅州道入討生羌
 因以襲擊吐蕃執事者不審圖其利害遂發梁鳳
 巴蜒兵以徇之臣愚以為西蜀之禍自此結矣臣
 聞亂生必由怨起雅州邊羌未嘗一日為盜今無
 罪受戮其怨必甚怨甚懼誅必蜂駭西山山西盜
 起則蜀之邊邑不得不連兵備守兵久不解則蜀
 之禍構矣東濮喪敗亂始諸羌此一驗也吐蕃
 猶君臣相信而多奸謀抗天誅者二十餘年大

則大勝小戰則小勝未嘗敗一隊亡一矢前日薛
 仁貴郭待封以十萬眾敗於大非之川一甲不返
 李敬元劉審禮舉八十萬眾困於青海之澤是時
 精甲勇士勢如雲雷然竟不能擒一戎馘一醜至
 今而關隴以空今乃欲建李處一為上將驅疲兵
 襲不可幸之吐蕃舉為賊笑二驗也且夫事有求
 利而得害者蜀昔時不通中國秦惠王欲帝天下
 而并諸侯以為不取蜀勢未可舉乃用張儀計飾
 美女譎金牛因閉以啖蜀侯蜀侯果貪其利使五
 丁力士鑿山通谷棧褒斜置道於秦自是險阻不
 關山谷不閉張儀蹠踵乘便縱兵大破之蜀侯誅
 賓邑滅至今蜀為中州是貪利而亡三驗也臣聞
 吐蕃愛蜀之珍富思盜之久矣然其勢不能舉者
 徒以山川阻絕障隘不通願餓喙不得噬今邊羌
 開險道使其收奔亡之四驗也蜀為西南一都會國
 除道舉全蜀以遺之四驗也蜀為西南一都會國
 家之寶府又人富粟多順江而下可以兼濟中國
 今執事者乃圖饒倖之利以事西羌得西羌地不
 足以稼穡財不足以富國徒殺無罪之眾以傷陛
 下之仁糜費隨之無益聖德五驗也夫蜀所恃有

險也蜀所安無役也今國家乃開其險役其人險
 開則便寇人役則傷財臣恐未及見羌而奸盜在
 其中矣異時益州長史李崇真託言吐蕃寇松州
 天子為盛出師趨轉餉以備之未二三年巴蜀二
 十餘州驩然大燹不見一賊而崇真奸職已鉅萬
 金得非有奸臣圖利復以生羌為資六驗也且蜀
 人甦劣不習兵戰一虜持矛百人不敢當又山川
 阻曠夫中國精兵處遠今國家若擊西羌掩吐蕃
 遂能破滅其國奴虜其人使其君長繫首北闕計
 亦可矣若不即如此臣方見蜀之邊陲不守而為
 羌夷所橫暴昔有華見被髮而祭伊川者以為不
 出百年此其為戎乎臣恐不及百年而蜀為戎不
 驗也且國家近者廢安化拔單于乘龜茲放疎勒
 天下翕然謂之盛蓋以陛下務在仁不在廣務在
 養不在殺將以此息邊鄙休兵甲行乎三皇五帝
 之事者也今乃狗貪夫之議誅無罪之羌而貽全
 蜀之患此臣所未喻者也况當今山東饑關隴弊
 歷歲枯旱人有流亡誠陛下寧靜思和天人之時
 不可動甲兵興大役以自生亂又西軍失守邊人
 駭動情有不安今復驅此兵投之不測小人徒知

射洪縣志

卷十一

人物

人物

九

議攘外之利非帝王之至德也善為天下者計大而不計小務德而不務刑圖其安則思其危謀其利則慮其害然後長享福祿願陛下熟計之諫開告密疏初太后命鑄銅為匱置之朝堂以受天下表疏時太后自徐敬業之反疑天下人多圖己又自以火專國事內行不正知宗室大臣怨望心不服欲大誅殺以威之乃盛開告密之門有告密稱旨者則不次除官於是告密者蜂起又周興來俊羅無辜中外畏此數人甚於虎狼子昂上疏諫曰臣聞隋之末代天下猶平楊玄感作亂不踰月而敗天下之弊末至土崩煬帝不悟專行屠戮大窮黨與遂至殺人如麻流血成澤天下靡然始思為亂於是雄傑並起而隋族亡矣前事之不忘後事之師也伏惟陛下念之論為政條奏八科一措刑二官人三知賢四去疑五招諫六勸賞七息兵八撫慰宗室一臣觀聖人用刑貴適時變有用有舍不專任之且聖人初制天下必有凶亂之賊叛逆之臣而為驅除以顯聖德聖人誅凶殄逆濟人寧亂必資刑殺以清天下故所以務用刑也凶亂既

滅聖道既昌則必順人施化赦過宥罪所以致刑措也然則聖人用刑本以禁亂亂靜刑息不為昇平所設何者太平之人悅樂於德不悅樂於刑以刑窮人受圖臨御天下逆臣賊子頓伏嚴誅所以皇應運受圖臨御天下逆臣賊子頓伏嚴誅所以此凶徒所能自亂今魁首已滅朋黨已屠聖政惟昌天下威服神皇又降文昌鴻恩滌蕩羣罪天下昭慶企望日新措刑崇德正在今日實聖政之至要者也近日詔獄稍滋鉤捕支黨株蔓難窮蓋獄吏不識天意以抵慘刻誠宜廣愷悌之道救法慎罰省白誣冤此太平寧人之務也官人惟賢政之所以治也然君子小人各尚其類若陛下好賢而不任任而不能信信而不能終終而不能賞雖有賢人終不肯至又不肯勸反是則天下之賢集矣議者乃云賢不可知人不易識臣以為固易知固易識夫尚德行者必無凶險之類務公正者必無邪佞之朋保廉節者必無憎貪冒之黨有信義者必疵苛且之徒知者不為愚者謀勇者不為怯者死猶梟鸞不接翼薰蕕不共器此天地之性物類之

射洪縣志

卷十一

人物

十

情其以正其倭兩不相利以信實偽兩不相從以廉說
 貪生兩不相和知者尚謀愚者不聽勇者徇死怯者
 貪誠能尚賢賢可至矣且賢人未嘗不思効用顧
 無其類則難進是以湮汨於時誠能信任俊良知
 左右有灼然賢行者賜之尊爵厚祿使以類相舉
 則天天下之理得矣臣伏惟神皇聖明具知得賢須
 任既信任須信既信須終既終須賞悉備知也然今
 末能信任者應以無效致疑如裴爰劉禕之蹇味
 道周思茂背德孤恩也以臣愚識則謂不然何者
 聖必藉賢以明國必待賢以昌人必待賢以理物
 必待賢以寧况聖躬不可勞弊神心不可細用賢
 人於國亦猶食之在人固不可以一噎而絕喉糧
 亦不可以謬一賢而遠正士也聖人大德在能納
 諫太宗德參三王而能容魏徵之直今誠有敢諫
 骨鯁之臣深謀遠識之士激昂慷慨憤不顧身面
 折廷爭不避斧鉞陛下誠能廣延順納凡進諫者
 皆賜獎勵又於納諫時少霽威嚴使畢盡所呈
 不懷顧畏然後採其芻蕘以新盛德則小大臣僚

孰不謂陛下垂如天之仁有容諫之美上可繼太
 宗從諫弗拂之休下以開人臣讜論直言之路而
 萬世之後且歸美於陛下矣臣聞勞臣不賞不可
 勸功死士不賞不可勸勇今或勤勞死難名爵不
 及偷榮尸祿寵秩妄加非所以表勲庸勵德行也
 願陛下表顯狗節勵勉百僚古之賞一人千萬人
 悅者蓋云賞也今事之最大者兵革歲興賦役不
 省興師十萬則百萬之家不得安業自有事北狄
 於今十年不聞中國之勝以庸將馭冗兵徭役日
 廣兵甲日敝願審量損益計利害勢有不可毋虛
 出兵則人安矣虺賊干紀自取屠滅罪止魁逆無
 復緣坐宗室子弟皆得更生然臣願陛下重曉諭
 之使明知天子慈仁得以自安臣聞宗室者陛下
 之手足也手足有疾則身不寧身不寧則心憂宗
 室子弟不安則罹罪罹罪則誅誅則株累多株累
 多則不自賊其肢體而身與心為孤注矣夫人情
 以不能自明則疑疑則懼懼則罪生今宗室子弟
 固無人不疑懼矣昔者周公謂魯公曰君子不施
 其親是在一國猶宜親親况陛下撫有四海天下
 之民尚思得所乃令一家子弟懷疑懼罪可乎惟

賜愷悌之德使居無過之地體恤撫慰不至憂讒
則宗室安矣復上緩刑疏太平之朝上下樂化不
宜有亂臣賊子曰犯天誅比者大獄增多愚臣初
謂皆實去月陛下特察李珍等無罪又免楚金等
死初有風雨變為景雲臣聞陰慘者刑也陽舒者
德也聖人法天亦助聖今又陰雨臣恐過在獄
官陛下何不嚴懲獄吏使天下咸服豈非至德克
明哉諫武攸宜書主上應天順人百蠻向化大王
以元老懿親威略邁世安律廟堂精兵百萬傾天
下以事一隅此猶舉泰山而壓卵建瓴破竹之勢
也然而張元遇王孝傑等不謹師律由此長敵威
而殆戰士夫敵威長則難以爭鋒戰士殆則無以
制變今敗軍之後天下側耳草野傾聽國威今大
王冲謙退讓法制不申每事同前何以統眾前如
兒戲後如兒戲豈徒為敵所輕亦生天下奸雄之
心聖人威制六合故用聲爾非能家至戶到然後
可服况兵貴先聲今發半天下兵以屬王安危成
敗在百日之內何可輕以為尋常大王若聽愚計
即可行若不聽即無功矣須成功報國可送身悞
國即伏乞審聽請盡至忠之言凡事須量智愚眾

射洪縣志

卷十一 人物

人物

十一

寡勇怯強弱部校將帥之勢然後可以合戰求利
以長攻短令皆向前不量力又不簡練暗驅鳥合
敗後怯兵何由取勝僕一愚夫猶言不可况奸賊
勝氣十倍未可當也且統眾禦奸須有法制親信
若單獨一身則朱亥金鎚有竊取之勢不可不畏
人有負垂棘之寶行於途必被劫賊何者為寶重
人愛之今大王位重又總半天下兵豈直垂棘而
已天下利器不可失一失即後有聖智之力難為
功也故願大王於此決策非小讓兒戲可了若此
不用忠言則至時機已失機與時一失不可再得
願大王熟察大王之誠能聽愚計乞分麾下萬人以
為前驅則大王之功可立也

陳光新唐書陳子昂傳子昂輕財好施篤朋友與

陸餘慶王無競房融崔泰之盧藏用趙元最厚子

光復與趙元子少微相善俱以文稱終商州刺史

子易輔簡輔位皆御史宋譜是子媿美前後難兄

難弟並秀光宗學有淵源政多勛勳沈志字孔明子昂長子登進士官至朝議大夫詩入正聲集藝文志別集類陳光詩一卷

陳易輔舊四川通志光長子明經進士仕至監察御史與弟簡輔齊名決獄發奸宦業顯著

李浦唐志浦字德川通泉人著補履書十卷世稱補履先生德宗幸褒中為丞相張延賞表薦以處士拜右拾遺不就再詔見賜緋衣正色抗辭朝廷敬憚

宋李曼東坡全集李曼知果州制敕敕具官李曼蜀

射洪縣志

卷十一

人物

人物

十一

之人治蜀知其好惡察其情偽宜若易然又況於寬而明知而毅如女曼者乎乃者無實之訴朕既察之矣乘傳西歸平徭役省條教以慰父老之望舊通志隆興中進士初知瀘州建招撫策仕至利州提點刑獄唐志初守瀘興利除害雖獲罪亦不為改按通志舊作曼字修儒遂寧人并誤

王求王維明統志求鄴人舉進士知眉州恂恂謹飭有譽於時子維亦舉進士官至榮州太守退休

三十年清節大著

按舊志及四川通志選舉類載王維射洪人而明統志以為鄴

人今依選舉志載入

謝坦郭鏗舊志作射洪人字遠到登皇祐五年鄭
獬榜進士時稱涪翁長者官至參議風裁侃直著
有四箴集行世

岑象求宋詩紀事象求字巖起梓州人終寶文閣
待制入黨籍施註蘇詩岑著作名象求元祐四年
以郎考功用蘇文忠薦拜殿中侍御史文定執政
以嫌徙金部郎中事徽宗於王邸終寶文閣待制
嘗以提舉梓州路常平還蜀故文忠公送詩云惟
應故山夢隨子到吾廬按歸雲洞石刻稱邑人岑
象求守殯山下嘗於其間
折衷毛鄭之學學者十八人日與之遊
據此則象求當為射洪人今依此載入

射洪縣志

卷十一 人物 人物

三

元張文暹郭志暹字玉蘊射洪人登至順元年庚午
科王文暉榜進士官江南邳州知州卓有善政人
稱萬人母

明楊成唐志洪武三十一年貢任工部主事陞刑部
員外郎擢福建參政廉明寬厚歷任有聲

杜禮昭沈志邑人幼嗜學中鄉舉元季兵亂避地
瀘州聚鄉閭子弟教以孝弟忠信禮義廉恥等事
縣尹張均佐薦授本縣儒學訓導按杜禮昭于會
皆建文四年舉

人唐志及沈志皆
作洪武舉人并誤

于會通志建文四年舉人任陝西乾州訓導陞禮

科給事中清直素著

楊從義沈志邑人永樂三年鄉舉任刑部主事剛正廉明人心敬憚

何仕蹟郭志邑人字翼猷天順中恩貢任江南鳳陽教諭以經術課士著正誼集千言

楊澄國朝劉道開攔志射洪人舉成化五年進士簡監察御史巡按兩淮於泰州築堤百二十里置鋪周道商舟稱便遂名楊公堤遷大理少卿歷僉都御史巡撫山西子最以忠節著聞父子俱見名臣錄唐志任行人司行人陞監察御史三持使

射洪縣志

卷十一 人物 人物

十四

節疏雪冤滯上疏章以益國課修古堤以捍海濤惠澤及民民心感慕楊氏文集恕軒公行狀字憲父在淮上治聲甚著尋巡按滇南土夷賓服邊方不擾黔國公沐淙疏薦有其操清潔其德溫良之語尋按北畿擢大理左丞逾年遷本寺左少卿時山右白草作亂上命簡夙有能聲者擢一人撫之遂晉左僉都御史巡撫雁門涖任一載三府五州之地雞犬不驚虜人畏服大學士李文正公作西巡治序以表之年五十致仕歸萬曆中督學杜應芳徧訪前賢以澄世篤忠貞功施社稷具題崇祀

鄉賢著有金華浪語宦轍存稿行於世

楊最明史本傳最字殿之射洪人正德三年進士授工部主事督漕山西憫其民貧不俟奏報輒返尚書李鑑劾之有詔復往最乃與巡按御史牛天麟極陳歲災民困狀請緩其徵從之歷卽中治水淮揚值世宗卽位上言寶應汜光湖西南高東北下運舟行湖中三十餘里而東北堤岸不踰三尺雨霖風厲輒衝決阻壞運舟良田悉遭其害宜如白圭修築康濟湖專敕大臣加修內河培舊堤爲外障可百年無患是爲上策其次於緣河樹杙數

射洪縣志

卷十一

人物

人物

五

重稍障風波增舊堤毋使庠薄亦足支數年若但窒隙補闕苟冀無事一遇淫潦蕩爲巨浸是爲無策部議用其中策焉出爲寧波知府請罷浙東貢幣詔悉以銀充民以爲便累遷貴州按察使入爲太僕卿世宗好神仙方士段朝用言帝深居無與外人接則黃金可成不死藥可得帝悅諭廷臣令太子監國朕少假一二年親政如初舉朝愕不敢言最抗疏諫曰神仙乃山棲澡鍊者所爲豈有黃屋紫闥衮衣玉食而能翀舉者臣雖至愚不敢奉詔帝大怒立下詔獄重杖之杖未畢而死最旣死

監國議亦罷明年朝用伏誅隆慶元年贈最右副都御史諡忠節一統志嘉靖初知寧波府泣官止攜一蒼頭旦暮舉炊蔬菽而已勤於聽斷案無畱牘恤孤弱抑強豪去之日父老遮畱立祠祀焉湖北通志嘉靖間知黃州府清嚴峭直人不敢干以私凡乘傳貴人聞其風多遷道避之雲南通志嘉靖閒任副使胥吏凜凜不敢肆通志費經虞曰公別傳本高陵呂柟爲之隆慶二年分守川北右參議李遇元賜諡補呂柟所未書爲續傳曰當肅皇帝繼統羣臣議大禮忤旨者或繫或錮或斃於

射洪縣志

卷十一

人物

人物

夫

筆撻人以言爲諱由是歷十餘年土木禱祠寵幸貴盛公揮淚上疏首斥奸人朝士目之曰果齋先生踰年而楊爵上封事訟公與羅洪先之寃爲國蠹當除興作當省朝議當復左道當誅人曰斛山先生後十餘年兵部員外郎楊繼盛盡發權奸人曰椒山先生三楊公皆殞身報國忠矣哉著有果齋集一卷

楊儀蜀人物志儀射洪人由正德丁丑進士授刑部主事以議禮逮錦衣獄杖於闕廷歷兵部郎中晉貴州參議兵備畢節土酋叛督兵征撫俘斬甚

衆邊境賴安賈州通志嘉靖六年參議時芒部苗

普奴沙保等政園畢節城都指揮李宗祐射斃數賊賊聚薪焚東門儀與宗祐及僉事

龔亨計將城門作隙製佛即機擊賊連斃多人賊

乃引退城得全按唐志楊儀號鏡山

羅熙郭志熙字介菴射洪人正德中舉人任陝西

洵陽令邑近繁難政符民望年老致仕士民遮道

留之

謝東山蜀人物志東山字陽昇射洪人嘉靖二十

年進士授兵部主事歷郎中累官至右僉都御史

巡撫山東歟歷中外二十年著有近譬軒集四十

射洪縣志

卷十一

人物

人物

七

卷詩抄四十卷詩話四卷通志經籍志東山著有

中庸集說啓蒙一卷貴陽圖考二十六卷明近體

詩抄二十九卷刪正嘉靖貴州通志十二卷

楊衡字念恕射洪人鐸之孫性孝友登萬歷丁酉

賢書初授江西南康令南康地通閩粵商賈往來

多爲湖寇所劫衡爲編聯保甲書戶口互相捕緝

事犯連坐遂獲賊首葉應生等三十餘人盡置之

法湖道以寧既補陝西米脂縣代完前官道歉德

色不形調沔縣令加意撫字以清白稱歸休卒沔

人思其德政崇祀名宦祠

按選舉志以衡作潼川人誤

楊先芳字二崑射洪人領萬歷壬子鄉薦由教職累遷至戶部郎中授安順知府擢安平督糧道以憂歸服闋補雲南金滄道後值孫可望亂先芳年已七十上悲王室下憫蒼生與同官楊三畏四知等倡義舉師互爲聲援時柔榆旣逼烟瘴復侵未幾卒於官

國朝趙思忠射洪人少有才幹膽畧過人國初流賊未殄思忠與賊戰動有方畧川北兵備道請於撫臣補射洪捕務時邑令崔鹿鳴移駐涪江東岸樹柵爲城思忠佐之尋以禦寇功擢潼川州判是時

射洪縣志

卷十一

人物

人物

六

州城崩壞不足恃乃因東山爲營聚兵民守之後賊乘夜劫殺軍民逃竄思忠挺身出戰力竭與知州張雲皆被虜至賊營誘以降不可至途中三日不食亦不死因乘閒殺監守數人與張雲相率遁歸撫軍李勤襄公國英以思忠等被執不屈有忠君愛國之心深加獎勵後以新頒

功令本省人不應理本省事思忠援例乞休知州張雲猶戀死生與共之義爲建別業畱佐軍務三載其兄思悌傳其事

趙維岳字伯圖射洪人慷慨有大節順治甲申獻

逆陷成都大掠川北維岳與梓州王干城同起義
兵互爲聲援其後大盜旣過土暴縱橫維岳斂衆
依險營繕寨柵賊來則戰賊去則耕全活居民甚
衆後從李襄勤公國英屢戰立奇功授渝城守備
致仕歸卒子珣中康熙壬午科武舉沉毅英果有
厥考風

楊應魁字斗垣射洪人幼穎悟有卓識精通滿漢
文字初任叙瀘道轉卽中擢台州兵備道晉江西
按察使實心愛民民咸戴之至今頌祝通志經籍
志保台實績錄一卷注不著撰人名氏紀台州兵

射洪縣志

卷十一

人物

人物

十九

巡道楊應魁政績以兵部卽中出巡台州適閩逆
耿精忠遣兵犯浙圍逼台州應魁從貝子富喇塔
駐台拊循兵民條畫守禦頗著惠愛故郡人作此
以志其功自固根本至修庶政共二十目目各爲
一篇

廖有恒通志字成之號柴坡順治甲午舉人官山
東濟寧州知州廉能著績士民德之著有志道據
德依仁游藝四集唐志歷任山東濟寧州廉能著
績士民歌謠學正趙自立采輯成編顏曰匹夫偶
語存三代千載芳聲勒片言編分上下卷子策臣

耕隱不仕

楊甲仁字乃所號愧菴射洪人康熙中貢生喜講求性命之學讀書金華山玉虛閣苦無所得乃端居然然悟曰道在是矣後潛心易象十餘年以子秉乾官京師入都至禮部署講太極圖深探朱程理窟聞者歎服關中李二曲曰愧菴天姿高渾篤學力行蓋幾於道者也又通志載重慶傅良辰嘗從李二曲遊復受業於射洪楊愧菴得聞道邑人馮鼎心異之與同郡蔣馥等羣相講學推良辰爲祭酒甲仁著有易學驗來錄下學錄憂患錄與李射洪縣志

卷十一

人物

人物

三

中孚遊城北錄芙蓉日錄等書其側室周亦著有了心宗傳多理學精語皆行於世

楊秉乾字樞然射洪人甲仁子少穎異體貌魁梧登康熙壬午賢書授貴州永從令值苗民亂秉乾單騎入苗地曉以

朝廷威德苗民遂服

聖祖深嘉之擢戶部福建司主事康熙末閩中海寇猖獗屢征不克

帝震怒

詔羣臣議防海之策秉乾以審要害度長短計有無三事

條奏稱

旨陞刑部員外郎雍正初京畿旱

世宗欲廣積儲爲一勞永逸之計

詔下部議秉乾奏曰竊惟留心保乂固萬世之本計務籌民瘼實宏濟之良圖古者耕三餘一耕九餘三故年豐不致浮奢歲歉不虞艱食惟在奉行官吏實心任之而已

陛下下蠲免之詔頒補助之恩四海小民盡沾樂利今復廣積儲以厚民生誠子惠元元有加無已臣愚以爲歲不常登有備則無患法無不弊得人則能

射洪縣志

卷十一 人物 人物

三

行一在獎廉吏以周民隱昔人有言催科不擾卽催科中撫字平日留心保乂豈無潔清自矢之人惟獎其一以勵其餘使得以實心行實政時豐則有以綢繆於未雨偶歉則有以保恤於安全此萬世不易之道也一在責大吏以敷實德每見歲歉之時民嗷待哺大吏不以 上聞事後議賑勢迫難支而奸胥舞文又從中挪移侵蝕

朝廷損惟正之貢賦草野受賑貸之虛文臣請嚴飭大吏凡地方偶有災害卽時奏請實心賑恤俾百姓咸沾實惠此宏濟之良圖也其後荒服屢擾哈密

大軍西討秉乾又以功成於得人戰勝於餉足事
輯於協和三事奏按三事謂得人在於精簡將卒
及効力人員必將畧素嫻地利
熟諳者不拘文武拔置行閒以收實用糧餉運轉
須得其道惟在不先不後協和者大小臣工一德
一心如衣挈領如臂
使指使各盡乃職也

上以秉乾奏議得體悉嘉納之尋轉工部員外郎秉乾在
京一歲之中三遷其秩與同列交不卑不亢朝士
雅重之年五十卒於官貧難歸葬賴同官賻之乃
還

張星瑞字薇垣射洪人性沉靜博學工詩文由副
貢舉康熙乙酉鄉試雍正五年選林縣知縣隨例
射洪縣志 卷十一 人物 人物 三

引
見一日三次

世宗喜其誠實端方越級超用授天津州知州異數也星
瑞抵任後不通苞苴不徇情面剔除奸弊平反冤
獄不數月頌聲載道時保定總督李敏達公衛方
柄用隆赫司道以下受命惟謹惟星瑞不肯曲奉
李陰具疏劾之

世宗不為動後陞湖州府知府到任甫一日民間報蝗害
星瑞夙夜赴鄉里逐蝗四十餘日蝗不滅星瑞曰
此天災不可以人力爭也為文祭之翌日蝗盡赴

海死撫臣異之再三獎慰未幾以疾求解職去之日浙中名士父老競以詩餞識者曰此祭蝗太守也可惜好官去太速歸里後愈勤於學乾隆丙辰制府黃文襄公廷桂舉星瑞博學鴻詞以老疾辭不就越數年卒著有玉壘詩集八卷

周瑋字含素射洪人雍正丁未北闈舉人官江西上高令到任甫六日邑城灾瑋以文員挺身往救火藝其鬚不顧輿論爭美之居官明信果決不以察察爲能後膺卓薦調繁都昌去之日父老攀輿送之至有泣下者

射洪縣志

卷十一

人物

人物

三

李潛字懋修射洪人少學於唐石郊麟祥舉雍正癸卯鄉試官江西吉水令嚴明清簡卓有政聲不數年以憂告歸書籍之外略無長物家居後嘯傲林泉以課讀終

李潛字問渠射洪人由拔貢中乾隆甲子科舉人品行端方學識優長邑中及鄰封英俊多出門下任西昌教諭丕振學校士氣爲之一變人皆稱之曰李夫子後卒於官